

四庫全書

史部

欽定四庫全書

史部

萬壽盛典初集卷四十三至五

詳校官宗人府府丞臣寶光鼎

編修臣程嘉謨覆勘

總校官知縣臣楊懋珩

校對官中書臣徐步雲

謄錄監生臣陳國遴

欽定四庫全書

萬壽盛典初集卷四十三

慶祝二圖記一

自

暢春園至西直門臣民建棚慶祝者凡十有九所為

記八

圖以臣民北面仰瞻摹繪而成故始

神武門而竟於

暢春園宮門記以

御輦所經次第先後而作則始

暢春園而竟於

神武門義各有取爾也由

暢春園花洞迤東過雙闌至宮門前直南五色錦繒

大綵牆一座結萬壽無疆四字左右大綵坊各

一過小東門東偏有寺曰清梵

諸皇子於內建

萬壽經壇直壇演劇綵臺一幡竿二寺外結大綵坊一
有聯曰普天共效三多祝大地齊呼萬歲聲左
右綵坊一坊外鼓亭各一先是有

乾清宮太監等亦於清梵寺建

萬壽經壇寺前結綵坊坊外夾道為綵廊各八楹中懸
百老圖南頭仍蔽以橫坊既

諸王經壇建乃撤所設於西廠今圖兼仍其舊也
由清梵寺前徑南稍折而東曰太平莊為直隸

九府臣民慶祝界道旁有通州進魚回民百餘人陳魚於道左稍前過街大綵坊一進坊左右鼓亭一又前路左演劇綵臺一臺前有淮揚徐沿河耆民及河兵千餘人建黃幃綵坊

上書聖駕臨

視河工指示方畧小民豐衣足食感戴天恩等語前列

萬壽亭左右旗仗宮燈黃繖中陳進

上袍帽及土宜食物又前路右有漕運旗丁數百人慶祝陳設與淮揚耆民同又前夾路綵廊左為耕

圖右為織圖用絹為田夫紅女按農桑事次第
各錄

御製詩一篇凡四十楹又前路左竹式演劇臺一木質
而竹理又前折而南為葡萄長亭以綠綵為葡
萄橫蔭數畝中設

御座旁翼以百蝶小軒外周以花籬前有小橋過橋稍
折而東路右連像歌臺一歌始北方以童子結
束歌甘涼西音佐以絃索過臺為小闕帝廟有

饒房諸臣慶祝經壇廟前為龍棚棚前有綵坊
曰壽齊天地坊左右為鼓亭循鼓亭折而前過
街綵坊二左曰鸞翔鳳翥右曰日升月恒前立
表棚一檣竿五出日升月恒坊路右演劇綵臺
一稍前路左有菴曰興隆有算法人員慶祝經
壇菴前燈坊一坊有聯曰百生逢此日萬壽願
齊天坊左右燈樓各一直坊路右表棚一檣竿
三又前為節節高歌臺節節高以童子結束聳

立人肩從高歌舞頗類連像尤加恢詭云又前
連像歌臺一路左雕木演劇臺一前接杏花林
周遭花闌六十丈內十番平臺一顏曰清音長
草亭一曰酒市方草亭一曰松峰六角草亭一
曰團瓢右前路右有原任包衣昂邦馬武同弟
李榮保慶祝龍棚前建綵坊有經壇在通
慧寺園不及又前
路右有廟曰皇莊闕帝廟廟旁為松亭又前松
牆百餘丈路左鼇山重臺一座高四丈五尺周

二十一丈下演劇上節節高歌臺前為牡丹圃
圃下為荷池池底以板為之清波潏洄錦鱗翔
泳臺後石山矗起林木蔚然皆繒繭結撰者又
前為直隸臣民接

駕處路左有坊曰多士嵩呼路右有坊曰老人華祝又
前為

萬壽寶閣閣三層高五丈五尺絕鉅麗閣前有綵坊曰
日華雲爛坊左右為綵屏屏下綵獅六各高丈

有二尺直坊路右大綵牆一座結

天子萬年四字牆左表棚一又前有包衣人鄧光乾張
鼎升慶祝龍棚棚外旂竿二左右鼓亭前立綵
坊曰萬年有道坊下有綵橋過橋旂竿四又前
路右演劇綵臺一鼓亭二又前夾道綵坊二右
坊曰萬國咸寧自太平莊至此夾道燈牆綵廊
曲折凡三里

經萬國咸寧坊稍前有綵坊曰民和年豐進坊

為蘇州臣民慶祝界坊左鼓亭一路右有演劇
機臺曰雲中天樂臺脊機結衢歌巷舞四字又
前為

皇棚綵簾四映周欄為黃幔三層下繞以朱欄中設
御座座旁大理石屏二後設紅哆囉呢幔金書九如詩
棚後闢小軒五楹陳設文玩盆花左右園林小
景曲廊橫亘竟左有松亭曰雲生松棟竟右有
柏亭曰翠柏長春亭外雜植桃李掩映飛動前

建大綵坊曰聖壽同天有聯曰萬年人慶長生
節三月天開四海春坊左右為燈廊中設慶祝
表屏坊前有耆老貢獻土物百盤坊下綵橋一
左右小紅橋二過綵橋路右大綵牆一座廣四
丈綵結大壽字五左右為抱角燈棚又前路右
有演劇樓臺曰萬國歡心臺脊樓結民安物阜
四字直臺路左為耆老接

駕棚前設

龍亭御仗旗繖後張百壽黃幔長三丈繡壽字百圖中
御輦直

皇棚前羽葆翠華照曜雲日臣民皆跪衣冠萬衆魚鱗
相切彌望無際耆老執爵上

萬歲壽

天顏有喜又前過街綵坊一曰四海昇平坊右鼓亭一
自民和年豐坊至此夾道綵廊四百楹花檻燈
牆繽紛浩闊計長一里半

過四海昇平坊為江南江常等十三府慶祝界
路右有候選候補官員建黃棚一內設

萬壽圖屏金書壽字各體者萬左右鼓亭各一又前路
左為松江府在籍諸臣及耆民慶祝

皇棚一座左右綵廊直棚路右為表棚又前夾路綵坊
二左曰六合同春右曰萬年一統又前路右為
演劇綵臺又前為小景樓亭亭前為花籬駭綠
紛紅蔓延二十餘丈又前路左為十三府慶祝

皇棚中設

御座前陳古鼎蟠桃長生花萬民宴萬民衣左右綵廊
木施陞楯右平左城高數尺棚前大綵坊曰天
子萬壽有聯曰皇極建而歲月日時無易聖德
大而祿位名壽並隆棚左右松柏亭各一花架
四外周以綵廊廊外左右鼓亭直坊路右為表
棚棚左右燈樓各一又前路右演劇臺一又前
夾道綵坊二左曰舜日光華右曰堯天浩蕩徑

兩坊間折而東路左有菴曰百祥自四海昇平坊至此燈廊花檻數百楹紅橋二十一花樹數百計長一里半

百祥菴前有綵坊曰敷天湛露過坊為浙江臣民慶祝界坊左有通州坐糧廳慶祝

龍亭設大鼎一龍燭二燭長丈又前有通漕七省旗丁陳設慶祝

龍亭香亭又有一統萬年清亭萬年清草名高尺餘葉

菁蔥可愛四時不凋一名千年運又前有過街
綵坊曰天長地久過坊路右演劇綵臺一又前
有過街綵坊曰皇州春色過坊路右有扮演故
事臺演海上羣仙又前有過街綵坊曰萬壽同
天過坊路左為

皇棚顏曰太和元氣中設

御座旁引兩廊雜陳古玩廊外左右鼓亭前建綵坊曰
瑞現星樞直坊路右燈棚一棚左右故事臺二

左三星右五老又前有過街坊曰海晏河清過坊路左為浙江耆民接

駕棚又前路右故事臺一演瑤池仙樂又前有四角擊

壤亭中設玻璃屏書擊壤頌又前有過街綵坊

曰一人有慶過坊稍折而東路右有廟曰茶棚

闕帝廟廟前為江寧蘇州杭州三織造慶祝經

棚棚前有綵坊曰聖壽天齊左右為鼓亭直坊

路右為表棚又前路左有綵坊曰瑞叶青陽過

街綵坊曰增輝紫極過坊路左有演劇綵臺曰萬國謳歌又前香亭一夾道鼓亭二自百祥菴至此曲檻花廊計長一里半

由茶棚關帝廟東行有過街綵坊曰萬福攸同進坊為福建山東江西河南廣東廣西六省臣民慶祝界路左為耆老接

駕棚路右演劇綵臺一又前路左木龍亭一亭八角前柱金龍對蟠鱗爪騰攫飛動中設

御座左右燈廊雙引前闕捲棚五楹棚前有大綵坊高三丈餘木幹綵章流蘇瓔珞藻繡綸連下接於地顏曰萬壽有聯曰兩地參天日月岡陵開壽域錫疇斂福鳳麟河嶽獻禎符匾聯皆銅質洗磨如鏡光閃爍奪目麗日燭之不可迫視坊下綵獅二尤猙獰亭左右各闕小園花闌周數畝園牕曲徑杳窅相通牡丹荼蘼丁香桃李諸名花森發條豎各建小軒珠燈密布與花柳映發

爭妍出花闌由

萬壽坊前過小橋直坊路右為表棚棚左右鼓亭各一
又前路右有重樓曰金聲玉振上懸名燈下奏
十番清樂又前松亭一亭下三面周以花闌又
前路左有綵坊曰厚德無疆又前路左八角演
劇臺一有聯曰天樂動南薰彩鳳高臨青玉案
瑤池供壽酒彤雲輕護紫霞杯路右六角演劇
臺一又前路左牡丹棚一路右柏亭一又前路

左有燈樓曰光被四表過樓稍折而東地名大柳樹有古柳一株萬絲拂空垂蔭盈畝自萬福攸同坊至此綵廊數百楹間以荔牆繡錯綺分計長三里

過大柳樹有過街綵坊曰風動時雍進坊為四川陝西山西湖廣貴州雲南六省臣民慶祝界路左五綵重臺一上以絹製羣仙下陳設古玩過臺稍折而南有綵坊曰羲軒風景路左有綵

坊曰德洋恩溥又前路左柏亭一路右撥亭一
又前路左有燈樓曰萬物皆春路右演劇臺一
又前路左為

皇棚棚據高地俯視平疇澶漫靡迤陞楯鬱律歷級而
上三階重軒鏤檻文槐干霄蔽日中設

御座前列粃粢如壽桃者數千棚外大綵坊曰萬邦惟
慶有聯曰天申命用休四方來賀皇建其有極
萬福攸同左右鼓亭一直坊綵橋一橋三洞經

以綵闌雁翅參差望之屹然如偃月垂虹蜿蜒
數丈觀者訝為神速蓋木質施以丹繪儼然石
梁也棚左右龍旗二竿絕高縹緲拂霄漢直坊
路右十番綵臺一臺前表棚一又前路左有燈
樓曰光華復旦又前有演劇綵臺曰鈞天廣樂
又前夾道綵坊二左曰三台玉燭右曰八表金
甌又前有清音臺曰萬籟和鳴又前有過街綵
坊曰華渚神光出坊有寺曰慈獻自大柳樹至

此綵廊數百楹繡栢雲楣曲折參差長三里

過慈獻寺有寺曰隆昌有長蘆衆商人於寺前

建慶祝

皇棚棚前有綵坊曰萬年景運直坊為膀棚棚左右鼓

亭一又前路右故事臺一演木公金母諸仙又

前路左節節高歌臺一又前路右為小花園園

中六角亭一又前夾道演劇臺二鼓亭二過亭

綵坊二左曰六龍時御右曰天地同春又前路

左有寺曰廣通有五旗

諸王建慶祝經壇於內寺前綵坊三中曰德配乾坤左曰壽同悠久右曰福竝升恒左右折而前過街綵坊各一右坊外路右為

諸王接

駕處直中坊路右榜棚一旛竿五棚後迤右演劇綵臺一又前路左有廟曰天仙過天仙廟為真武廟有巡捕三營將校建慶祝經壇於內廟前為

龍亭亭中以童子演八仙陳蓬瀛仙樂左右綵坊一左
曰萬年玉歷右曰三祝華封直亭有綵坊曰悠
久無疆稍前有菴曰五聖菴旁勝棚一又前路
左有演劇綵臺曰萬年歡又前路右有西直門
市民建綵坊曰共樂堯天徑南有綵坊曰天子
萬福近坊折而東有綵坊曰萬年景福有經壇在元靜
觀圖不及出坊過石橋有過街大綵坊曰普天同慶
過坊進西直門有過街大綵坊曰萬國來朝則

皆提督九門步軍統領臣隆俄多所建也圖中
大駕鹵簿始於此迤邐夾道直接太平莊

萬壽盛典初集卷四十三

欽定四庫全書

萬壽盛典初集卷四十四

慶祝二 圖記二

自西直門至

神武門臣建棚慶祝者凡三十有一所為記四

進西直門過萬國來朝坊路左樺皮廠衙內
有廟曰西三官廟有吏戶二部尚書以下諸臣
建慶祝經壇於內臨街設

龍亭一亭前有綵坊曰天成地平坊左右鼓亭循亭折而前過街綵坊各一左曰華祝三多右曰嵩呼萬歲路右直兩坊間綵坊一坊後燈樓一樓下為勝棚棚後幡竿五棚左演劇綵臺一又前路右馬香兒衙內有廟曰關帝廟有西四旗前鋒統領護軍統領以下諸臣建慶祝經壇於內臨街結綵坊三中曰天人胥慶左曰金闕垂光右曰瑤池獻壽坊前綵結須彌座座上為

萬壽景命亭亭後設金書百壽字圍屏左右堆紗屏各
一屏外為鼓亭亭外周以綵牆廣十有七丈循
牆折而前為過街綵坊二左曰德邁古今右曰
道參天地直中坊路右榜棚一旂竿五棚右有
五綵重臺曰祝堯歌舞臺高六丈廣稱之下演
劇上放飛鳥棚後有

皇十四子小綵坊二又前路右有寺曰崇壽有

寧壽宮太監等建慶祝經壇於內寺前

皇棚一棚外有大綵坊曰慶洽天人坊左右鼓亭循亭折而前過街綵坊二左曰運獻長庚右曰天開壽域路左榜棚一旂竿五又前路左北草廠內有菴曰萬福有

寧壽宮老福金建慶祝經壇於內臨街建

皇棚棚外綵坊三中曰建中錫福左曰雨順風調右曰日升川至左坊外鼓亭一折而前有過街綵坊曰堯天舜日右坊外鼓亭一折而前有過街綵

坊曰景星慶雲路右榜棚一旂竿五棚左右有
綵坊左曰春臺右曰壽域出堯天舜日坊有放
生綵臺日放鳥雀無算厥內又有寺曰萬壽有
內務府正黃旗包衣叅領以下護軍以上建慶
祝經壇於內臨街建

皇棚一棚外八字綵牆中闢圓門門外綵亭一左右鼓
亭旂竿各一前結大綵坊三中曰允執厥中左
曰羣黎歡慶右曰列聖鑒臨左右折而前過街

綵坊各一左曰祥洽萬方右曰壽同南極直兩
坊間路右榜棚一旂竿七出祥洽萬方坊演劇
綵臺一又前路左有廟曰東三官廟有大理寺
太常寺卿以下諸臣建慶祝經壇於內臨街建
八角

萬壽松樓左右松棚各一棚右演劇綵臺一樓前鼓亭
二過亭綵坊三中曰萬國尊親左曰慶集三辰
右曰德周八表左右折而前過街綵坊各一左

曰七曜騰輝右曰五雲絢采直兩坊間路右榜
棚一旂竿七棚左右松棚各一又前路左有觀
曰崇元有正黃旗滿洲蒙古漢軍都統以下建
慶祝經壇於內臨街為經棚棚左右為鼓亭前
建綵坊三中曰聖壽無疆左曰慶洽同文右曰
光昭大象左右折而前為過街綵坊左曰道超
九聖右曰德覆萬方直兩坊間路右榜棚一旂
竿五出道超九聖坊過石橋路左演劇臺一臺

左右綵結海山如赤城霞起巔岼可觀又前路
左有寺曰北廣濟寺有禮部刑部國子監光祿
寺鴻臚寺尚書祭酒卿以下諸臣建經棚於內
寺外左右鼓亭一前結綵坊三中曰壽節天開
左曰咸歌舜日右曰同祝堯年左右折而前過
街綵坊二左曰百祿是荷右曰萬福來同直兩
坊間路右榜棚一旂竿五萬福來同坊外演劇
綵臺一過此為新街口折而南矣

由新街口折而南路右有寺曰祝壽有兵工二部尚書以下諸臣建慶祝經壇於內寺外左右鼓亭前結綵坊三中曰文武聖神左曰寶曆宏長右曰金甌永固左右折而前過街綵坊二左曰皇仁廣運出坊演劇綵臺一右曰帝德覃敷直兩坊間路左為勝棚棚前

上諭龍亭一

內書上諭

棚後旂竿五又前路右有寺曰龍

泉有都察院通政司太僕寺順天府六科及宛

欽定四庫全書

舊唐書

卷四十四

五

大二縣五城兵馬司諸臣建慶祝經棚於內寺
外左右鼓亭前結綵坊曰日麗星輝坊前大綵
坊三中曰天開壽域左曰九龍洽聖折而前為
過街綵坊曰瑞靄千門右曰五緯聯光折而前
為過街綵坊曰春明九陌直兩坊間路左膀棚
一旂竿五出春明九陌坊路左演劇臺一又前
路右有東四旗滿洲蒙古漢軍都統以下建百
老獻壽臺顏曰南天門臺九級坊百老人各執

金壽字層累而上

有經壇在大佛延禧法華境靈四寺圖不及

又前

路右帽兒衙衙內有廟曰闕帝廟有東四旗前
鋒統領護軍統領以下護軍以上建慶祝經壇
於內衙衙口有綵坊曰同登仁壽出街有綵坊
曰太平有象坊前鼓亭二右有綵坊曰金輪現
采左有綵坊曰寶厯呈祥又左有綵坊曰翠柏
長春左右過街綵坊二左曰乾坤交泰右曰宇
宙同春旂竿各二直兩坊間路右膀棚十六楹

棚前綵亭二棚後旂竿十四出乾坤交泰坊路
右演劇臺一路左綵坊三中曰集聖大成左曰
大地山呼右曰鈞天雅奏又左有過街綵坊曰
日麗天衢又前路右有寺曰寶禪有九門步軍
統領以下將校建慶祝經壇於內寺前綵坊一
曰卿雲五色稍折而左有綵坊曰寶厯萬年出
街大綵坊一曰九州向化坊前鼓亭二左右過
街綵坊各一左曰瑞輯共球右曰祥開景慶直

兩坊間路左膀棚一旂竿五瑞輯共球坊外路
右演劇綵臺一出祥開景慶坊又前路右有寺
曰普慶有內閣翰林院詹事府中書科諸臣建
慶祝經壇於內有綵坊曰聖人首出寺外為經
棚左右鼓亭棚前綵坊三中曰化日舒長左曰
德輝三五右曰道煥古今過街綵坊二左曰就
日瞻雲右曰參天贊地直兩坊間路左膀棚一
旂竿五出參天贊地坊外演劇綵臺一又前路

右石碑衙內有寺曰西方有鑲紅旗滿洲蒙古漢軍都統以下建慶祝經壇於內寺前有綵坊曰萬年鴻祚稍前有綵坊曰南極呈祥出衙衙左右鼓亭前結綵坊三中日與天齊壽過街綵坊二左曰九天花雨右曰萬國衣冠直兩坊間路左膀棚一旛竿五出萬國衣冠坊外路左演劇臺一又前路右有菴曰般若其有鑲藍旗滿洲蒙古漢軍都統以下建慶祝經壇於內菴前

綵坊一左右鼓亭前結綵坊三中曰乘乾景運
左曰玉厯凝休右曰皇圖永固左右折而前過
街綵坊二左曰聖德光華右曰皇仁浩蕩路左
兩坊間為榜棚棚內

萬壽詩屏二棚後旂竿五出皇仁浩蕩坊路右演劇綵
臺一又前為毛家灣路左有副都統賴都母吳
蘇氏接

駕龍亭一又前為街心觀音菴有大市街北小民建慶

祝經壇於內菴外經棚一旂竿二又前路右有廟曰真武有正紅旗滿洲蒙古漢軍都統以下建慶祝經壇於內廟前綵坊三中曰壽嶽巍峩左曰萬年永命右曰九德當陽坊前綵門一左右為綵牆牆左右為鼓亭循鼓亭折而前過街坊二左曰四海騰歡右曰六符御極直兩坊間路左為勝棚棚後旂竿五出六符御極坊路左面北演劇臺一臺以五色繒帛結為流蘇網戶

當目輒嵌小鏡燦若千星亦奇觀也又前路右
有廟曰雙關帝廟有直省督撫提鎮率所屬來
京諸臣建慶祝經壇於內廟前綵坊曰萬方仁
壽坊前鼓亭旂竿各一左右為綵牆近牆綵坊
一綵亭二左右過街綵坊二左曰河山永固右
曰雲日增輝直兩坊間路左為膀棚棚後旂竿
五出雲日增輝坊路右演劇綵臺一又前路左
有寺曰梅檀有

莊親王建慶祝經壇於內臨街為

皇棚棚外綵坊三中日雲開堯率左曰花連上苑右曰
樂應中和坊左右鼓亭折而前過街綵坊二左
曰天衢耀彩右曰輦路嵩呼直兩坊間路左為
膀棚棚後旂竿五左右綵坊二左曰盛德凝圖
右曰鴻庥協極出天衢耀彩坊路左演劇綵臺
一又前為四牌樓圖中旗手衛樂器自此陳設
直至西安門

四牌樓徑南市民夾道為燈廊百餘楹有過街

綵坊曰慶洽無疆竟南頭有坊曰恩光普被

思出

光普被坊路左有寺曰普恩有宗室阿哥建慶祝經壇圖不及近坊折而東有

過街綵坊曰如日之升圖中陳設鹵簿始此巨

象神駒與

御輦間列望之如山嶽如雲霞然又前過街綵坊曰物

被仁風過坊路左有廟曰關帝廟有西安門外

小民建慶祝經壇於內廟前有綵坊曰九州同

慶直坊路右有綵坊曰萬靈効順又前為

皇城西安門

進西安門路左西十庫口內有上三旗三十家

包衣人因天王殿舊址建寺諷經慶祝

萬壽奉

勅賜名慈雲寺前夾道新植松柏百餘株臨街為綵坊

曰福祿來同坊左右鼓亭亭外濟貧錢棚循棚

折而前過街綵坊二左曰八方壽域右曰一氣

鴻鈞直兩坊間路右為演劇綵臺臺左為濟貧餅棚右為勝棚棚後幡竿六出一氣鴻鈞坊路左有包衣婦女千百人於此接

駕又前路左有包衣三旗廣儲司人員慶祝綵坊曰卜年兆億左右鼓亭一循鼓亭折而前過街綵坊二左曰乘六御乾右曰兼三出震右綵坊內路左演劇綵臺一

有經壇在三佛寺圖不及

出左坊稍前路左

有內務府官學教習及官學生慶祝綵坊曰五

福陳疇左右鼓亭循亭折而前為過街綵坊左

曰大德曰生右曰至誠無息直兩坊間路右為

榜棚棚後旂竿三

有經壇在清涼菴圖不及

出大德曰生坊

稍前路左有古北口大糧庄頭等建演劇綵臺

一左右為過街綵坊左曰人壽年豐右曰時和

世泰

有慶祝經壇在靜默寺圖不及

出人壽年豐坊稍前路左

有二月分新選諸臣建慶祝

皇棚棚為六角飾以五彩左右六角鼓亭前結大綵坊

曰太平景象過街綵坊二左曰億萬斯年右曰

受天之祐直兩坊間路右榜棚一播竿五

有經壇在

興隆寺後殿圖不及

出億萬斯年坊又前為金鼇玉螭橋

過橋由團殿後折而北登堆雲積翠橋望隔河

西北有寺曰梅檀有上三旗內大臣延喇嘛千

衆建慶祝經壇於內梵聲殷地旌影拂空縹緲

隱現間過橋有寺曰白塔有上三旗包衣佐領

等建慶祝經壇於內壇前大綵坊曰健配天行

坊外左右鼓亭由堆雲坊北折而東路左為經棚棚左右為燈棚折而前過街綵坊二左曰瑞叶斗樞右曰光流華渚直兩坊間路右為演劇綵臺出瑞叶斗樞坊稍折而北路右有

御前太監等設接

駕龍牌儀仗又前有過街綵坊曰菁蔥佳氣過坊路右有演劇綵臺遙望西岼團殿東有鑲黃正白二旗包衣護軍叅領以下將校演劇綵臺若相應

和馬

二旗有慶祝經壇在興隆寺前殿圖不及

又前過石橋進雪池

紅門夾道燈廊數百楹半道左右鼓亭各一又
前有過街綵坊曰誕膺多福過坊夾道綵坊二
左曰翠籙凝麻右曰紫苞肇泰又前僧道經棚
各一夾道綵牆直接景山南瞻

禁城雙闕聳出霄漢北顧五龍亭波光森動周遭繡
幕相連笙歌互起金石千聲雲霞萬色益莫能
殫述焉

是時京城內外金碧相輝錦綺相錯華燈寶炬
霏霧氤氲彌漫周匝其

輦路所經既已繪圖系之以記至於

翠華未歷之境慶祝同心幾無隙地若海淀則有上

清正一嗣教真人張繼宗建金錄醮壇於永寧

觀翰林院編脩高輿率領浙江耆老三三百餘人

建千佛道場於

萬壽寺地安門外則有

養心殿武英殿

御書處景山玻璃廠各監造諸臣建經壇於藥王廟正陽門內則有太醫院諸臣建經壇於衙門內外城則有提督四譯館太常寺少卿以下諸臣行人司司正以下諸臣各建經壇於衙門內候補候選諸臣三百九十二員建經壇於仁威長壽觀正陽門外士民商賈萬餘人建經棚於珠市口郊畿則有兩淮商人集黃山僧衆建經壇於

西頂廣仁宮莫不樹坊立木張樂然燈寶拊層
樓成於俄頃宮牆綺陌忽改常觀至於湓巷闌
街肩摩轂擊琳宮梵宇繡瓊籤貝葉之篇火樹
銀花放鐵鎖星橋之禁周遭百里延歷數旬萬
戶千門繁絲脆竹深坊小巷繡額珠簾雖游騎
輕車莫能窮際誠非丹青所及詳毫翰所勝載
矣

先是三月初二日

上自霸州回鑾有

旨云朕昨進宮見臣民慶賀為朕祈福者不計其數朕若先知必令止之今已成矣難毀衆志其即傳之各處必祈雨暘時若萬國咸寧為先大哉

王言真天地父母之心也臣等伏惟自古聖人繼天立極將建非常之功必有非常之壽是以三皇踰萬五帝盈百孔子曰大德者必得其壽理固然也稽古華封祝堯首曰聖人多壽書言欲至萬

年詩稱萬壽無疆蓋上之深仁厚澤所以壽身
壽世者既久且長而臣民忠愛其君之甚無可
以報稱者亦惟有祝君壽考而已若夫緣情之
禮因時而作竭臣子之情顯邦家之慶紀乃誕
日崇以美名聖節所由昉也有唐開元十七年
降誕節宴百僚於花萼樓丞相源乾曜張說率
百官上表請以八月五日為千秋節著之令甲
布於天下咸令宴樂休假三日羣臣是日獻甘

露醇酎上萬歲壽酒王公戚里進金鏡綬帶士
庶以絲結承露囊更相遺問村社將壽酒宴樂
唐開元之治號稱絕盛然典禮不過如此降至
有宋壽寧天申瑞慶諸節歲脩故事盛典無聞
未有合千八百國之歡心聚四海九州之方物
稱觥獻斚隨

輦路而樂太平飛閣雕甍徧康衢而邀

聖豫

王言雖曰勿亟民心自切子來如

今日之盛者也蓋我

皇上道集大成化超隆古四海臣民登仁壽者五十餘
年於茲矣平時天施地生所以益民者既已無
方乃恭逢

大慶愈沛鴻施典禮方行軫念雨暘不忘萬國益動而
異日進無疆固宜普天率土莫不尊親航海梯
山極於無外而衢歌巷祝直接陶唐氏之風也

然則是圖也即豳風繪屏猶不足以擬其美盛
又豈王會職貢所能仰希萬一也哉其

慶祝表文經壇詞疏附著於篇用紀頌禱之實焉

萬壽圖畫紀

臣聞梁有職貢之圖唐有王會之圖圖者所以
比物象形寫茲盛美以昭示來世者也然或失
則侈或失則誣僅為鋪張揚厲以藻績太平之
象而無當於勤民愛物之心是以雖盛而弗傳

也惟昔帝堯氏之有天下也地平天成六府三
事允治其時之民則有含哺鼓腹者矣有巷舞
衢歌者矣有請祝聖人者矣而後之人或有繪
為擊壤圖以傳其熙熙皞皞之風者至今覽之
猶有餘慕焉我

皇上至仁覆育大化翔洽五十二年以來德洋恩溥物
靡不得其所當茲三月十八日喜

天甲之初周慶

皇恩之大沛先一日

駕由

暢春園還

宮千宮雲擁萬國山呼祝嘏之盛曠古未聞惟我

皇上之心即帝堯之心故民氣雍和風俗淳美熙熙皞

皞而祝聖人之多壽者亦即與帝堯時先後同

今世

皇上與民同樂

欽定四庫全書

萬壽盛典初集

卷四十四

六

特允臣民之請繪為長圖傳之萬世以垂永久兵部右侍郎臣宋駿業經始其事分為五十餘處而臣

原祁復受

命續成勾摹數月進

呈初本幸蒙

嘉賞抃舞莫勝臣又惟自古有圖則必有史是以恭請
恩綸纂修盛典凡

宸章之璀璨

聖德之高深與夫恩賚之廣大典禮之詳明歌頌之洋溢無不備載罔有缺遺矣而於臣民慶祝之處既案其里地悉其規模一一詳列於書而猶恐未足以盡其曲折也特就長圖裁為短幅次第臚列共計百有四十餘頁定為上下二卷亦欲使後之披圖者如登春臺如遊樂國既幸生

聖人之民得親見

欽定四庫全書

萬壽盛典初集

卷四十四

七

聖朝之鉅典鴻規與

聖世之時和年豐嘉祥協應如此其章章可攷歷歷可
指也而我

皇上勤民愛物之心亦庶幾藉是以少傳其萬一此亦
擊壤圖之遺意云爾

經筵講官戶部左侍郎加一級臣王原祁恭紀

萬壽盛典初集卷四十四

欽定四庫全書

萬壽盛典初集卷四十五

慶祝二圖記三

直隸順天府保定府永平府河間府真定府順
德府廣平府大名府宣化府臣民表文

伏以

皇猷廣被介百福而躋春臺

聖祚方昌統八紘而開壽域

道備於蕩平正直永享昇平

化行於歌叙修和誕膺第祿率土之尊親孔切邦畿
之歡忭彌殷瑞滿

彤庭慶流錦陌欽惟

皇帝陛下

丕承丕顯

乃聖乃神

秉聰睿之姿

昭肅雖之範

溯淵源於洙泗一貫相傳

紹道法於唐虞中天遠接

經筵頻啟探羣聖之微言

講幄恒臨闡六經之奧旨煥奇文於奎壁

御墨淋漓叶雅頌於宮商

宸章璀璨仁心仁聞之並著樂利成風善養善教之兼

修和恒有效蠲賑貸以舒民力綏彼窮簷大欽

恤以察臣工慎乃庶獄散神倉之白粲萬方社
席咸登發內府之朱提六宇閭閻胥被靖水患
於江津淮浦軫河防於越北燕南

聖武布昭沙漠烽煙永息

天威震疊遐荒桴鼓無驚貢雉獻琛共球畢集梯山航
海玉帛攸同天瑞駢臻日再中而雲五色地靈
類應穀雙穗而麥兩岐鳳舞麟遊見太和之洋
溢河清海晏知

帝澤之瀾綸府事罔愆平成有賴歲臨己位乃巽風申
命之時月值辰鄉正龍德方亨之會歷五十二
年之宵旰

聖體康強集千八百國之車書

皇圖悠遠

聖人御宇於今花甲方周

上壽凝祥自此春秋彌永花明柳媚縈紫氣於六街燕
語鶯鳴散青陽於萬戶石髓共瓊漿竝獻漢桃

與期棗偕陳臣等學守一經世居三輔首被

大君之化惠愷偏多近依

天子之光訓行恐後欽

九重之瑞祉瞻

天捧日每切葵傾仰

五位之憂勤沐雨櫛風真如乾健耕夫牧豎衆口嵩呼

白叟黃童齊聲華祝伏願

健行不息

日進無疆

沛民胞物與之膏

播一道同風之治協庶徵於洪範曰雨曰暘曰寒曰
燠調四序以迎和賡景福於雅詩我黍我稷我
倉我庾慶屢豐而集祉則天長地久億萬年之
玉歷永綿日升月恒千百載之金甌孔固矣

工部右侍郎 臣劉謙 都察院左副都御史 臣

王企靖 臣 崔徵璧通政使司通政使 臣郝惟

諤太常寺卿

臣

李敏啟太僕寺卿

臣

周道新

通政使司左通政

臣

郝林右通政

臣

王景曾

大理寺少卿

臣

邵觀翰林院侍讀學士

臣

葦日講官起居注翰林院侍講學士

臣

廷儀翰林院提督四譯館太常寺少卿

臣

陸經遠左春坊左贊善兼翰林院檢討

臣

薄有德翰林院編修

臣

宮鴻厯翰林院檢討

臣

高維新翰林院庶吉士

臣

朱一鳳

臣

朱綸

臣

何

臣

何

國宗 臣 薄海 臣 舒大成 臣 李如璐 臣 戈懋倫

兵科掌印給事中 臣 常紳刑科給事中 臣 郭

徽祚掌江南道事監察御史 臣 樊紹祚掌浙

江道事監察御史 臣 陶彝吏部文選清吏司

員外郎 臣 董哲戶部河南清吏司郎中 臣 王

克貞浙江清吏司員外郎 臣 李舜卿山西清

吏司員外郎 臣 曹鑛貴州清吏司員外郎 臣

江景瑞廣東清吏司主事 臣 蔣書升雲南清

吏司主事

臣

黃叔璥禮部主客清吏司郎中

臣

黃叔琬兵部武選清吏司郎中

臣

許康錫

職方清吏司主事

臣

李其旋刑部湖廣清吏

司郎中

臣

郝之英廣東清吏司郎中

臣

胡范

山東清吏司郎中

臣

劉承啟山東清吏司員

外郎

臣

劉沖山東清吏司主事

臣

閻純璽山

西清吏司主事

臣

張振嗣工部虞衡清吏司

製造庫郎中

臣

魏嗣多屯田清吏司郎中

臣

楊國琳營繕清吏司員外郎臣李士瑜虞衡

清吏司員外郎臣蔣仁錫虞衡清吏司主事

臣馬瑛大理寺左評事臣呂應聲右評事臣

張光鏞中書科中書舍人臣曹廣憲行人司

司副臣張光鱗行人臣阮士奇臣褚泰臣李

圯尊內閣中書舍人臣多時珍臣胡忠本臣

韓暎臣何繼曾臣成說臣王允晉臣趙霖國

子監助教臣趙續美等恭

進

算法滿漢効力人員榜文

伏以

帝德崇高四海仰昇平之景運

皇仁溥博萬國懷覆載之宏恩

綿寶厯於無疆貞恒效順

慶鴻圖之永固福祿攸同喜溢普天歡騰率土欽惟

皇帝陛下

政符四序

道契三才

首出庶物而咸寧

表正萬邦而率迪

紹百王之道統治功遠接乎唐虞

闡千聖之心傳理學直追乎洙泗

聰明由於天亶

孝友本於性成

謨誥遙宣勸忠而教孝

絲綸普煥褒德而崇儒更重農功時求民瘼用一緩
二久昭在宥之仁耕九餘三快覩屢豐之慶蓋
歷乎五十餘年之盛治乃超乎七十二代之成
功茲者時屆三春節臨

萬壽東皇司令噓大地之陽和南極騰輝耀遙天之景
色黃童皓首咸拜手而祝有道

聖人北塞南雲竝驅車而頌太平

天子凡有血氣莫不尊親臣等小草微生管窺薄技欣

逢曠典幸沐

宏仁聽玉漏於蓬瀛

澹寧日麗觀瑤英於上苑

淵鑑花明自顧何人叨逢此日念切鏤肝銘腑莫抒

葵藿之忱惟祝地久天長庶竭涓埃之報煥佛

輪之普照堯天與慧日俱光宣貝葉之宏文舜

樂偕梵音齊奏純嘏不求而自至神明有感而

斯通伏願

萬福來同

百祿是荷

金篋之齡益固日月竝其升恒

瑤圖之算彌長天地同其悠久則民安物阜常登兆

庶於盈寧海晏河清永迓天庥之滋至矣

算法効力

臣

董泰

臣

博爾和

臣

穆世泰

臣

穆

成格

臣

余掄

臣

潘蘊洪

臣

沈承烈

臣

朱崧

臣

馮騷臣葉長揚臣王玘臣徐覺民臣王元正

臣陳世明等恭

祝

江南省蘇州府吳縣長洲縣崑山縣常熟縣吳
江縣嘉定縣太倉州崇明縣臣民表文

伏以

皇圖日懋萬方受覆載之恩

聖壽天齊億載衍熾昌之祉

鼓洪鈞而鑄物太和保合於無涯

輝金鏡以凝庥純嘏緝熙於不已紫氣氤氲乎閭闔

卿雲環護夫樞垣日下歌騰寰中慶洽欽惟

皇帝陛下

道協乾元

化成恒久

心周六合每諮詢而弗遑

躬理萬幾獨勤勞而罔逸日新富有拔萃於至神至

聖之中盱食宵衣加意於已治已安之後闡心
傳為治法不止堯見於羹舜見於牆裕創業以
守成實踰丕顯文謨丕承武烈凡風聲之廣樹
由

聖敬之日躋殫昭事於

郊壇

天眷倍申第祿告明裡於

宗廟

神床默贊昇平孝事

慈闈娛色笑而舞傳宮綵友于昆弟極和樂而禮展家人
備膺天慶之歡洵立人倫之至誕敷文德車書
大一統之模者定武功韜畧啟九天之秘運神
明之

睿算鯨鯢久翦於炎荒統赫濯之

王師氛沴旋消於邊塞海嶠務除其強暴苗民盡草其
愚頑大擴版圖自古未通之境偕來奔走順

從來未順之區暨治河工頻邀

宸慮

聖謨所授績遂奏乎平成

法駕斯臨德永垂乎清晏滌源刊旅較神禹而尤勞耕
籍勸農視漢文而倍切神倉少府已蠲億萬之

緡錢暑雨祁寒猶厘

九重之宵旰向逢五十年之昌運陽春隨地以皆溫

特賜十五省之全租瑞日周天而盡照允矣博施而濟

衆猗歟厚載以資生盛典引年

恩隆養老

皇仁在宥化洽祥刑溯益下之宏施非度支之可紀頌
好生之大德實元化之同符亘古未聞於今獨
盛表章聖學尊彝陳闕里之堂崇尚真儒俎豆
升考亭之配

御經筵而親宣微旨直接天心

臨講幄而近接儒臣深探道蘊

皇綱總歸於獨斷大智必察乎邇言文吏與武士交嚴
而敷奏明試之程必親必慎百職與六卿竝簡
而心膂股肱之寄以禮以誠不拘格以求才益
金馬玉堂之盛事更開科而選士增春闈秋榜
之嘉榮及幾務之偶閒即圖書之是究制衣官箴
以示則義喻六計之嚴立士訓以垂型功等五
經之大

天章敷布言言皆帝典王謨

宸翰昭回一一成奎光壁彩色羅子史以迨夫詩詞書
畫咸溯本以尋源量度山川以及乎月令羣芳
亦晰微而盡致寶符焜耀懋著文明玉食崇隆
式昭儉德深宮惜福福遂錫於兆民明旦清心
心乃周乎四海天行永健自致康寧福壽之全
世運維昌益臻豫大豐亨之美賡穆穆皇皇而
莫罄仰巍巍蕩蕩以難名茲者歲在昭陽律當
姑洗恭值六旬之

聖誕共稱

萬壽之仙觴斗柄指辰韶景暢而

天恩益渥歲華周甲玉衡轉而

帝祉方新朔元運之時行自六十以至百千萬億循環

靡極推至誠之不息由久微而及博厚高明悠

久無疆緬衢歌華祝之年正逢癸巳喜風動時

雍之世即是陶唐惟五十二年之物與民胞登

宇宙於春臺之上而千八百國之梯山航海獻

惘忱於

丹闕之前遐邇之石戶山農歡騰大地中外之經幢
燈樹彩徹長天羣情之愛戴至真萬口之頌揚

如一重荷

溫綸諄諭毋為華侈務期物阜民安愈瞻

至德謙光已極雍熙尚冀年豐時泰跪聆之下感頌逾

深咸祈

聖主長生等乾坤之無量永使吾儕樂業沐雨露於靡

涯

萬歲同呼如聽春雷之響九霄共覩羣遊化日之天臣
等吳苑庸才海隅下士身依日月長親復旦之
光華首戴星辰欣仰貫珠之躔次昔荷

翠華駐蹕

恩波倍厚於吳閭邇蒙

黼座揮毫

宸藻徧題乎虎阜何幸彈丸之下里乃蒙如海之

洪施徹震澤以為醪莫展稱觴之願盡靈巖而作硯難
窮獻壽之文爰偕父老於康衢并挈兒童之春
服同聲頌禱沸山謳村管以皆和舉袂婆娑映
柳媚花明而胥樂快際貞元之嘉會喜臻熙皞
之休風伏願

壽考維祺

思皇多祐

同天不老三皇之歷數未足云崇

與物長春九域之幅員益增其廣禾秀延齡之粒歲
獲豐穰玉流益算之漿世成仁壽則塗歌巷舞
應年年而申慶奚必拘十載之期地久天長自
永永以同歡豈止上萬年之頌矣

經筵講官文淵閣大學士兼禮部尚書

臣王揆吏部

尚書

臣

吳一蜚

經筵講官戶部左侍郎

臣

王原祁兵部右侍郎

臣

宋駿業巡撫山東等

處地方都察院右副都御史

臣

蔣陳錫詹事

府少詹事兼翰林院侍講學士臣王奕清

日講官起居注翰林院侍講學士提督順天

學政臣陳璋日講官起居注翰林院侍講

臣蔣廷錫日講官起居注左春坊左諭德

兼翰林院修撰臣吳廷楨太僕寺少卿臣嚴

虞惇翰林院提督四譯館太常寺少卿臣陸

經遠翰林院修撰臣王世琛翰林院編修臣

吳士玉臣王謩臣惠士奇臣蔣漣臣徐葆光

翰林院檢討臣張大受翰林院庶吉士臣汪

份臣王時憲臣陶貞一臣馮汝軾臣鮑開臣

顧嗣立臣郭孫順臣陳王謨臣王遵辰臣王

晦翰林院五經博士臣言德堅巡視東城湖

廣道監察御史臣徐樹庸吏部驗封清吏司

員外郎臣葉宏綬戶部山西清吏司郎中臣

王世繩戶部浙江清吏司郎中臣王奕鴻戶

部湖廣清吏司員外郎臣趙成撫兵部武選

清吏司員外郎

臣陶昱

刑部山西清吏司郎

中

臣宋周

刑部廣西清吏司郎中今陞廣

東肇慶府知府臣宋志益刑部湖廣清吏司

主事

臣徐涵

內閣掌典籍事中書舍人今掣

河南南陽府同知臣朱文龍行人司行人臣

錢淵宛平縣知縣

臣李采

中城兵馬司指揮

臣馬吉

南城兵馬司指揮

臣張緒

候補左

春坊左中允

臣汪士鋐

候補主事

臣程國珍

候補光祿寺典簿臣毛世楷候選員外郎臣

席瑗候選主事臣王瑋候選行人司司正臣

陸燮分守直隸口北道山西布政使司叅議

臣徐炯分守河南開歸河三府管理驛鹽糧

道按察使司僉事臣張孟球分守湖廣武昌

道布政使司叅議臣金祖誠分巡湖廣下荆

南道按察使司僉事臣金秉掄直隸河間府

知府臣宋師曾湖廣岳州府知府臣顧用霖

浙江温州府知府臣陶範雲南楚雄府知府

臣張嘉穎直隸真定府同知臣程侯本山東

兗州府同知臣宋基業山西太原府同知臣

趙友夔湖廣辰州府同知臣顧燝雲南雲南

府同知臣何煜直隸廣平府通判臣朱維均

陝西鳳翔府通判臣張宗日四川夔州府通

判臣許炳新授廣東惠州府通判臣徐慎新

授廣東韶州府通判臣張安國廣西太平府

通判臣宋建業雲南永昌府通判臣韋士宏

雲南琅井提舉司提舉臣沈鼎貴州大定州

知州臣張介著雲南雲州知州臣馬澂雲南

大理府賓川州知州臣周鉞順天府武清縣

知縣臣王原博直隸保定府博野縣知縣臣

費洪學新授直隸順德府鉅鹿縣知縣臣秦

培山東濟南府鄒平縣知縣臣沈從隆山西

太原府祁縣知縣臣姚韻山西平陽府太平

縣知縣臣顧欽山西平陽府萬泉縣知縣臣

戴治河南開封府西華縣知縣臣歸鴻河南

彰德府安陽縣知縣臣徐樹敏河南衛輝府

淇縣知縣臣王珩河南河南府新安縣知縣

臣錢汝駉河南河南府澠池縣知縣臣金奇

玉浙江温州府平陽縣知縣臣王元位浙江

温州府樂清縣知縣臣周鼎江西廣信府興

安縣知縣臣陸彪江西贛州府興國縣知縣

臣張尚瑗湖廣武昌府崇陽縣知縣臣高位

湖廣襄陽府宜城縣知縣臣葉文昌陝西西

安府醴泉縣知縣臣汪俊陝西平涼府崇信

縣知縣臣董永朝陝西鞏昌府秦安縣知縣

臣魏士升四川成都府新繁縣知縣臣王禮

四川成都府德陽縣知縣臣吳雙四川夔州

府巫山縣知縣臣章鏡承廣東高州府東安

縣知縣臣張沆廣東瓊州府瓊山縣知縣臣

孫起範新授廣東肇慶府廣寧縣知縣臣鄭

韻廣西柳州府上林縣知縣臣錢晉珏新掣

陝西平涼府通判臣湯萬烺候補知縣臣史

鳳霄候補知縣臣徐志培臣陸宸鎔侍衛臣

汪蕭貴州貴陽府城守營遊擊臣宋振業等

恭

進

萬壽盛典初集卷四十五

欽定四庫全書

史部

萬壽盛典初集卷四十六至

詳校官_臣宗人府府丞_臣寶光鼐

編修_臣程嘉謨覆勘

總校官知縣_臣楊懋珩

校對官中書_臣徐步雲

謄錄監生_臣郭文誌

欽定四庫全書

萬壽盛典初集卷四十六

慶祝二圖記四

江南省江寧府松江府常州府鎮江府淮安
府揚州府徐州安慶府徽州府寧國府池
州府太平府廬州府鳳陽府滁州和州廣德
州各屬臣民表文
伏以

聖壽齊天與三光而竝久

皇仁沛地偕萬物以同春

運當六甲之正中虹流華渚

時值五陽之盛長星貫瑤樞迓景福於無疆法乾行
於不息億萬年日新月盛合軒圖堯鏡以光華
千百國航海梯山向鳳闕鸞墀而拜舞普天同
慶率土騰歡欽惟

皇帝陛下

經綸萬象

綱紀三才

聰明睿知以有臨協雨露風霆之至教

文武聖神而首出備禮樂刑政之宏模

福祿攸同海宇共登仁壽

聲靈丕振乾坤久頌昇平

發粟蠲租省刑肆赦必使物物得所而後愜於懷

巡河咨嶽重道崇儒但覺事事合宜而可垂為法五

紀之

深仁厚澤普浹寰區一代之

聖德神功遠超隆古太和翔洽嘉兆游臻當三月十八
之芳辰值

萬壽六旬之聖節慶雲成蓋瑞草盈階天酒凝甘地泉
流醴球圖寶鼎文現太平銀甕丹甌字成

萬歲天不愛其道地不愛其實人不愛其情在在布吉
祥之氣士皆歌於朝農皆歌於野商皆歌於市

年年增歡喜之心祿位名壽兼隆

聖人必得耆艾昌熾交頌君子樂胥臣等簪纓世受

輦轂親承

翠華屢涖南方膏澤被江干草木

紫禁深居北極趨蹌傍天上星辰徒食德而飲和均

霑化育恒戴高而履厚莫報涓埃惟統十四郡

之精誠祝延

聖祚願合億萬民之壽算增益

皇齡華封詎祇三多海屋將添百度貢芹獻曝慙非瑤
島奇珍獸舞鳳儀恍聽鈞天廣樂青陽麗日噓
錦繡之山川紫氣周天接蓬萊之觀閣珠元不
夜燈轉九枝草盡長春花開四照歡聲雷動瑞
靄霞蒸伏願

咸五登三

參天兩地

聖代之河山永固千秋快覩昌期

天家之日月方長十載迭逢盛典勒諸金石極文章禮
樂之休隆叶以笙鏞宣郊廟神人之悅豫玉函
芝檢遠逾嵩岱升中化日光天上姽星雲復旦
六合衍靡涯之慶萬年垂有道之長矣

都察院左都御史

臣趙申喬

經筵講官吏

部左侍郎兼翰林院學士

臣王項齡工部左

侍郎

臣阮爾詢

日講官起居注司經局洗

馬掌局事兼翰林院修撰

臣張廷玉

日講

官起居注翰林院修撰臣趙熊詔翰林院修

撰臣王雲錦翰林院編修臣沈宗敬臣叢澍

臣廖賡謨臣蔡學洙臣鄒奕鳳臣嵇曾筠臣

楊開沅臣莊令輿臣繆沅臣儲在文臣徐斌

臣須洲臣張起麟臣徐用錫臣孫時宜臣秦

道然臣方覲翰林院檢討臣劉師恕臣陳均

臣張照臣黃鉞臣黃趙音翰林院庶吉士臣

卜俊民臣曹鳴臣劉於義臣潘允敏臣王圖

炳臣楊士徽臣秦靖然臣杜詔臣楊祖楫臣

何應鰲臣王澍臣狄貽孫臣程夢星臣周金

簡臣王時鴻臣董胡宏臣楊潛臣夏慎樞臣

徐依臣湯大輅原任翰林院待詔今候補臣

曹曰瑛山東道監察御史臣施雲翔貴州道

監察御史臣吳蔚起戶部福建清吏司郎中

臣鄭勗四川清吏司郎中臣閔本貞雲南清

吏司郎中臣阮應商江西清吏司員外郎臣

任奕鑒江西清吏司主事臣湯震廣西清吏

司主事臣朱廷寧禮部祠祭清吏司員外郎

臣楊汝穀刑部浙江清吏司郎中臣汪升英

福建清吏司郎中臣宮夢熊江西清吏司主

事臣胡岳齡廣東清吏司主事臣張景載工

部都水清吏司郎中臣陸遐昌中書科中書

舍人臣陳厚耀行人司行人臣胡廷鳳臣吳

普內閣掌典籍事中書舍人臣王鳳孫內閣

中書舍人臣莊楷致一臣施燾潘乘

龍臣張祖鎬李炳石等恭

進

浙江全省臣民表文

伏以

乾坤覆載萬年永慶昇平

日月照臨八表共登仁壽

聖心合天心為一瑞啟昌符

君志與民志相通祥開景運

一人有慶會歸拱北極之尊萬福來同保定仰南山之
固千官忭舞億兆歡呼欽惟我

皇上

化徵悠遠

治洽貞恒

文武聖神聰明睿知高千聖而邁百王

剛健中正篤實輝光貫三才而參兩太敬

天尊

祖一氣感孚勤政愛民萬幾時救當物阜年豐之日迭蠲
萬萬金錢值河清海晏之時篤念元元生聚平
藩鎮則中土乂安征沙漠則邊烽永息

謨烈垂於萬世舊章與新命同承

創守兼自一身文德與武功竝懋慮懷襄而

巡河咨嶽何殊刊木隨山憂水旱而赦罪減租盡沐
和風甘雨鳳在岡麟在囿作人遠邁於周庭河

出圖洛出書觀象上追夫羲畫丙丁甲乙啟四
庫之精英訓詁典謨綜百家之述作觀文製歷
必挾輿而探微講射工書且出神而入聖內寧
外攘廓從來未闢之版圖近悅遠來敷亘古莫
通之聲教朝乾夕惕保泰持盈旣以天下之心
為心即以蒼生之福為福雨暘時若年穀順成

聖意彌謙

聖德彌廣萬冊鳳鸞之紙管窺祇得其大端羣方鼓吹

之詞枚舉難量夫衆美紀春王於三月開

壽域於九天當花甲之初週值陽和之正麗東皇布
令宏施發育之功南極呈祥丕煥光華之象雲
樓氣敞綵仗晴薰膏露醴泉休徵畢至珠函銀
甕上瑞駢臻惟

盛朝弗尚竒祥而

聖主專脩實政開科取士萃六合九州之俊彥盡沐
甄陶發粟蠲租統山陬海溼之黎氓胥歸

怙冒鑿齒雕題之衆跂行喙息之倫重譯來朝梯航
入貢望

龍顏而申華祝肅虎拜而效嵩呼喜氣霞蒸歡聲雷動
臣等生逢全盛幸際郅隆嬉遊於化日光天千
八百國淪浹於深仁厚澤五十二年況稽山越
水之間

翠輦時聞警蹕而驚嶺竺峰之勝

奎章屢賜品題十一郡感荷最深百萬戶謳歌莫罄

自今日瑤樞燦爛通周甲子三千計他時椿樹
滋榮永歷春秋萬六心惟向日望切瞻雲伏願
天地同春

海山竝壽

三登七稔寒暑節而四時成

十雨五風陰陽和而萬物得先天生而後天不老羣
奉有道之

聖人御世久而福世彌長共仰太平之

天子則輿圖永固綿國祚於千百禩而有餘福祿攸同
保泰履於億萬年而無極矣

禮部尚書

臣陳詵

經筵講官刑部尚書

臣

胡會恩

經筵日講官起居注翰林院掌院

學士兼禮部侍郎教習庶吉士

臣湯右曾內

閣學士兼禮部侍郎

臣沈涵

臣蔡升元通政

使司右叅議

臣陳汝咸

左春坊左中允兼翰

林院編修

臣陳邦彥

臣陳世倌翰林院編修

臣高輿臣查慎行臣萬經臣查嗣庭臣戚麟

祥臣沈樹本翰林院檢討臣諸起新臣史尚

節臣壽致潤臣顧五達臣陸紹琦臣盧軒臣

詹銓吉臣嚴思位翰林院庶吉士臣徐雲瑞

臣許鎮臣俞鴻圖臣徐杞臣錢廷獻臣沈世

屏刑科掌印給事中臣錢以塏禮科給事中

臣詹嗣祿掌河南道事浙江道監察御史臣

胡德邁吏部文選清吏司主事臣張王典戶

部廣東清吏司郎中臣許維模廣西清吏司

郎中臣陸雲從江西清吏司員外郎臣田軒

來山東清吏司員外郎臣王洽祖雲南清吏

司員外郎臣徐肇顯山東清吏司主事臣范

光曦禮部祠祭清吏司郎中臣陳嵩精膳清

吏司郎中臣楊存理兵部武選清吏司主事

臣談九叙刑部江南清吏司郎中臣陳元主

事臣俞存仁督捕司主事臣婁銓工部虞衡

清吏司主事臣姚德堅內閣中書舍人臣倪

璠等恭

進

浙江省擊壤亭歌

天開景運兮篤生

聖人允文允武兮乃聖乃神撫綏萬邦兮豐年屢臻

帝猶厯念兮朝夕諮詢蠲租賜復兮九有咸均湛恩汪

濊兮至德無垠普天率土兮莫不尊親願

君萬歲兮粒我蒸民

其二

青陽司令兮晨現農祥
雨暘時若兮百穀蕃昌
桑麻被野兮婦子樂康
嬉遊作息兮化日舒長
扶老攜幼兮來覲

龍光王路蕩平兮以翺以翔
卿雲紉縵兮南極耀芒
惟天錫福兮

聖壽無疆

福建山東江西河南廣東廣西六省臣民表
文

伏以

星雲獻瑞千齡啟

聖之期

水火司權五德當

王之運值虹流之

令節金闕騰輝際電繞之芳辰玉階春滿休光下燭

嘉氣旁通蓋天生

有道之聖人會有極歸有極必

躬享無疆之歷數如月恆如日升

斂諸福以彌新

體一元而敷惠

深仁厚澤少而壯壯而老皆大化之所涵濡

強固精明誠則久久則徵與造物同其悠遠欽惟

皇帝陛下

保合太和

緝熙純嘏

天縱神武當寶祚之方新遂已橐弓矢而奠家邦
學備聖文即翠華之在御亦必對詩書而稱古昔
道建疇範之極備寒暑雨暘而皆得其時

心契河洛之傳歷元會運世而不愆其數所以聲靈
遐振多方久慶昇平福祿來同寰宇共登仁壽
撫五辰而致順毓萬物以皆昌乃者日麗胃維

月纏青陸陽開泰而更盛正

一人納慶之辰令當和以迎休乃八方禔福之日風吹

大澤日照

昌期黃雲覆晨赤光炳夜恭逢

萬壽節是長春共賀

六旬冀舒初葉天垂雲漢仰周代作人之恩民沐雨膏

陋漢家賜復之詔必得其壽必得其名命自申

於穹旻俾爾熾昌俾爾多益福乃均於品庶西

郊晝永夾道香濃

北極星輝震區瑞現雕題鑿齒皆航瀛海而來卉服

鳥言親覩

皇居之大而乃

睿思謙抑更辭祝於三多

玉旨昭宣願底寧於萬國此惟江海善下每有納流之
心然而日月居高共仰照臨之位汪濊普周於
八裔歡呼遠匝於九圍雖罄祝嘏之詞曷稱頌

欽定四庫全書

萬壽盛典初集
卷四十六

十四

颺之旨慶超邃古美冠將來臣等仰荷

鴻鈞親逢

景運潢汙比陋河清幸遘於千年塵壤均微山祝同
呼於萬歲適天人之嘉會

神聖篤生伸臣子之微情謳歌競獻傾心

舜日欣福祉之彌長翹首

堯天頌壽祺之永久伏願

業侔地富

算比天崇

撫大順於璿璣萬靈効祉

御至和之玉燭四海交歡民洽好生人登仁壽瞻雲
煥爛擊壤逍遙自祖父以迄孫曾稱觥躋堂長
奉

天顏之有喜由畿甸以暨海表嵩呼華祝羣知
帝祚之無疆矣

文淵閣大學士兼吏部尚書臣李光地世襲

欽定四庫全書

卷四十六

衍聖公

臣

孔毓圻

福建

一等海澄公

臣

黃應

纘

予告吏部尚書

臣

宋瑩

戶部右侍郎

臣

廖騰煒

總督倉場

戶部右侍郎

臣

施世綸

經筵講官

禮部左侍郎

兼翰林院侍讀學士

臣

王思軾

原任刑部右侍郎

臣

張志棟

予告工部左侍郎

臣

李元振

經筵講官

內閣

學士

兼禮部侍郎

臣

彭始搏

原任都察院左

副都御史

臣

左必蕃

宗人府府丞

臣

李濤

內

陞布政使司布政使臣李華之都察院左僉

都御史

臣

呂履恒詹事府少詹事兼翰林院

侍講學士

臣

梅之珩通政使司右通政

臣張

德桂原任通政使司右通政

臣

楊篤生國子

監祭酒

臣

徐日暄順天府府丞

臣

王懿右春

坊右庶子掌坊事兼翰林院侍講

臣

閻錫爵

翰林院侍講

臣

吳垣

臣

魏方泰右春坊右贊

善兼翰林院檢討

臣

孫勳國子監司業

臣魯

瑗提督浙江學政翰林院編修臣宋至翰林

院編修臣潘體震臣彭廷訓臣林之濬臣鄭

任鏞臣李紱臣陳似源臣呂謙恒翰林院檢

討臣王傳臣蔣肇臣柯喬年臣吳相臣張懋

能臣李日更臣李掌圓臣黎致遠臣劉大輟

臣何世璣臣邱尚志翰林院庶吉士臣趙泰

臨臣李中臣于廣臣宋筠臣陶成臣周鳳來

臣李鍾儔臣林昂臣喬時适臣漆紹文臣林

景拔臣 胡煦臣 張淳臣 孟班臣 莫與及臣 魯

立臣 謝世濟 吏科掌印給事中臣 潘錦 戶科

掌印給事中臣 耿惇 禮科掌印給事中臣 陳

允恭 工科掌印給事中臣 劉士聰 掌京畿道

事山西道監察御史臣 李永紹 四川道監察

御史臣 璩 廷祐 稽察錢局河南道監察御史

臣 吳梁 協理河南道事山西道監察御史臣

張世祺 協理山西道事江南道監察御史臣

李璿協理山西道事陝西道監察御史臣李

柟巡視中城浙江道監察御史臣陳書巡視

南城廣東道監察御史臣李景迪巡視西城

廣西道監察御史臣劉慎原任雲南道監察

御史臣廖之諒吏部稽勲司郎中臣郭晉熙

吏部驗封司郎中臣裘君弼戶部福建司郎

中今授直隸分巡天津道臣王光輿戶部山

東司郎中臣莫象年戶部江南司郎中臣田

肇麗戶部江西司郎中臣馮肅戶部貴州司

郎中臣程懋禮部儀制司郎中臣鄭晃刑部

雲南司郎中臣吳琳芳刑部江西司郎中臣

朱綱刑部四川司郎中臣周祚顯刑部陝西

司郎中臣鄒球吏部考功司員外臣林紹祖

吏部稽勲司員外臣陳廷綸戶部四川司員

外臣謝賜履戶部廣東司員外臣張為政戶

部雲南司員外臣范如璋兵部職方司員外

臣任坪刑部四川司員外臣孫叔詒刑部山

西司員外臣劉天眷刑部福建司員外臣李

承祖工部屯田司員外臣夏疇工部都水司

員外臣趙善慶吏部文選司主事臣謝乃果

戶部浙江司主事臣吳瓊芳戶部福建司主

事臣張如緒戶部陝西司主事臣李鼎徵戶

部四川司主事臣林霖培戶部貴州司主事

臣李文麟禮部儀制司主事臣鄒瑄兵部車

駕司主事

臣

龍燦刑部雲南司主事

臣王功

濯工部屯田司主事

臣

林逢都工部營膳司

主事

臣

孔毓璞內閣中書舍人

臣

劉曰燧

張開宗

臣

李元起

臣

趙作鵬

臣

竇容恂

耀曾

臣

黃貞乾

臣

范授中

臣

李樹目

詰中書科中書舍人

臣

杜述先

臣

鍾靈秀

何道暄行人司行人

臣

王肅章大理寺寺正

孟孫繩

臣

徐儀大理寺寺副

臣

林洪烈大

理寺右評事

臣莫宏濟翰林院世襲五經博

士

臣孔傳誌鴻臚寺寺丞

臣安定求光祿寺

大官署署正

臣宋瞻祖國子監助教
臣田曼

碩

臣鄧麓遠吏部司務
臣吳科戶部司務
臣

楊道存工部司務
臣黎仕瓊大理寺司務
臣

區廷選翰林院典簿
臣李據詹事府主簿
臣

李潯詹事府錄事
臣李珍國子監學錄
臣丁

必捷順天府通判
臣陳世蔭大興縣知縣
臣

陳守創西城兵馬司副指揮臣張珠供奉食

俸効力知府臣涂居仁卓異河南歸德府鹿

邑縣知縣臣李鍾冲鑾儀衛治儀正臣溫安

海世襲二等阿達哈哈番臣張源候補郎中

臣宋之塢候補主事臣羅後晉臣王沛恂臣

王延祺臣彭士仰臣李勛臣許隆遠臣傅兆

槐候補中書應陞臣李景遂臣梅廷謨候補

中書臣張坦臣陳言吉候補鴻臚寺寺丞臣

孫叔恂候補國子監典簿臣羅士璵候補副

使道臣李宜麟候補僉事道臣李可淳候補

知府臣黃良佐臣任士理臣王耆穀候選同

知臣劉光洙臣張令璜臣張瑗候補知縣臣

吳周禎臣薛契英原任南城兵馬司副指揮

候補應陞臣曾逢聖候選知縣臣汪兆熊臣

余綱臣薛契武臣梁倚漢臣宋一端臣伍質

臣魯亭臣康學敬臣許容臣李茹旻壬辰科

進士臣徐啟統原任翰林院編修臣熊本原

任刑部福建司郎中臣張丙厚原任工部虞

衡司員外臣米瑛原任刑部福建司主事臣

黃致中原任刑部雲南司主事臣許祚遠原

任福建延建邵叅議道臣王式穀原任湖廣

衡州府知府臣孔興滋原任合水縣知縣臣

劉時通原任武邑縣知縣臣吳秉芳原任河

南河北總兵官臣王應統原任浙江嘉興府

守禦所掌印管屯千總事世襲拖沙喇哈番

臣林廷珍等恭

進

萬壽盛典初集卷四十六